

Pars vero, quæ emansit, emansionem probatōne Impedimenti improvisi, ac inevitabilis purgare cupiat, eadem intra Terminum appellationi adsignatum scripturam purgatoriam in forma, & necessariis Documentis instruētam porrigere, suaque adminicula plene propōnere debet, secus vero non audiatur. Judex subinde Partem adversam quoque semper audiat, & super quæstione, an a rejudicata recedendum, & in causa principali novum Judicium instituendum sit? id, quod juris est, decernat.

---

### C A P U T    III.

#### *De Processu scripto.*

§. 38.

In Processu scripto Judex Libellum Reo convento pro responsione transmittat, ac Terminum, in quo ea exhiberi debeat, præsituat.

§. 39.

## §. 39.

Hic Terminus a die factæ Parti Exhibitio-  
nis computandus in regula, si reus in Loco  
Judicii degat, diebus 30. si intra Principatum  
diebus 60. si in Hæreditariis Germanicis  
Ditionibus, diebus 90. ac denique si extra  
illas commoretur diebus 120. circumscriptus  
esto: In illis autem causis, in quibus §. 2.  
tres actus cuiilibet parti concessi sunt, Termi-  
nus Reo in Loco Judicii, aut extra illum,  
Principatu tamen degenti, diebus 90. si in  
Ditionibus Germanicis Hæreditariis, diebus  
120. ac denique si extra illas commoretur,  
diebus 180. circumscriptus esto.

## §. 40.

Si Reus responsionem in Termino præ-  
scripto non porrexerit; Actori quoad factum  
quidem sine ulteriori probatione plena fides  
adstruenda, actaque ad ipsius Postulationem  
inrotulanda sunt, super petito tamen id, quod  
Juris est, pronunciandum, at que Reus pro re-  
nata, vel convincendus, vel absolvendus ve-  
niet.

## §. 41.

Quod si Reus responsionem in Termino præfinito exhibere nequeat, triduo saltem, antequam hic elabatur, Dilationem petere, simulque Causas, ob quas longiori Termino indigeat, nec non tempus, quo ad procuranda sibi Administricula opus habeat, indicare, ac probare debet.

## §. 42.

Judex Potestatem habeto, dilationem petitam tum solum concedendi, postquam adductas rationes accurate examinaverit, & validas compererit: Dilatorius vero Terminus a Judice pro ratione necessitatis allegatae, ac probatae, & ita quidem dimetiendus est, ut præfinitus Judiciario hoc ordine Terminus nunquam excedatur, sive dein dilatio ad primam, aut vero iteratam Supplicationem concedenda sit. Sin Reus Terminum dilatorium præscripto ampliorem postuleret, talis non secus quam Actore prius rite auditio concedendus, vel denegandus est.

## §. 43.

## §. 43.

Ante factam ab Actore Supplicationem pro introitulatione Actorum reo integrum est, responsionem etiam post lapsum termini præfiniti porrigere, a die vero dictæ Supplicationis responsio amplius recipienda non est, idque in reliquis Actibus, seu scripturis Causæ pariter observari debet.

## §. 44.

Responsione debito tempore porrecta, Jūdex eandem Actori pro replicatione transmittat, ac terminum præfigat, in quo eadem præsentari debeat.

## §. 45.

Terminus pro præsentatione replicæ, in quocunque loco Actor commoretur, in causis ordinatiis 14 diebus, in causis vero §. 2, exceptis 30 diebus circumscribendus est: si vero Actor replicam in præfixo Termino porrigere non possit, haud tardius tribus diebus ante lapsum termini, dilationem poscere, & causas, cur id necesse habeat, nec non teni-

pus, quo ad paranda sibi adminicula indigeat, indicare ac probare debet.

## §. 46.

Judici potestas sit, imploratam dilationem, non tamen aliter, concedendi, quam si adductas rationes accurate prius examinaverit, ac validas compererit. Spatium vero novi termini pro ratione necessitatis allegatae, & probatae a Judice dimetiendum est, ita tamen, ut terminus pro diversitate causarum, judicario hoc ordine defixus, nunquam excedatur, sive dilatio super prima, vel iterata Supplicatione concedenda sit. Quod si Actor, aut eodem item movente sub decursu causae fatis functo, Successor ejusdem item continuaturus, dum de circumstantiis causae plene informetur, terminum imploret ampliorem, is non aliter, quam Reo rite prius audito concedendus, vel denegandus est.

## §. 47.

Si Actor replicam in præfinito termino non exhibuerit, Acta ad postulationem unius vel

vel alterius partis inrotulanda, circumstantiae in responsione pro supplenda facti serie, vel exceptionibus fundandis allegatae, veræ habendæ, & super Actis eum in diem exhibitis id, quod Juris pronunciandum est.

## §. 48.

In causis duobus ex utraque parte scriptis terminandis, non liceat Actori in replica novas circumstantias, vel probationes adducere, nisi pro confutatione facti, & exceptionum, quas Reus in responsione adduxerit, sin Actor alias interposuerit, earundem in sententia ferenda nulla ratio habeatur.

## §. 49.

Quodsi nihilominus Actor allatis validis rationibus, vel in harum defectu juramento probare valeat, se nova adminicula, in replica adducta, in libelio nequaquam studio reticuisse, earundem allegatio in replica permittenda est. Hunc in finem ante exhibitionem replicæ Actor permissionem nova haec adminicula adducendi, a Judice per particularem supplicem libellum

petere debet: super quo, auditio prius Reo, a Judice rejectis ambagibus pronunciandum id, quod juris,

## §. 50.

Actori nunquam permittendum est, ut petitionem in primo libello propositam, quoad substantiam, id est, quoad objectum, & genus Actionis mutare queat, sed solummodo, ut deposita Actione, refusisque, quas Reo causaverit, expensis, ab eadem desistat, & novum libellum porrigat.

## §. 51.

Replica Reo pro duplice transmittenda, atque simul tempus præstituendum est, in quo eadem exhiberi debeat.

## §. 52.

Terminus pro præsentatione duplicæ in quocunque loco Reus commoretur, in Causis ordinariis 14 diebus, in Causis vero §. 2. exceptis 30 diebus circumscribendus est. Sin tamen Reus pro exhibitione duplicæ, e fundatis rationibus ampliorem Terminum postulet,

stulet, ipsemet in postulatione, Judex vero in concessione hujus Termini ea observare debet, quæ circa Concessionem ampliorum Terminorum pro replica §§. 45. et 46. constituta sunt.

### §. 53.

Si Reus duplicam suam præstituto tempore non porrexerit, acta ad unius vel alterius partis postulationem inrotulanda, novæ circumstantiæ facti, ab Actore ad normam hujus Constitutionis allegatæ, veræ habendæ, & super Actis eum usque diem exhibitis sententia, ut jus postulabit, ferenda est.

### §. 54.

In Causis, duobus ex utraque parte scriptis terminandis, non liceat Reo novas facti circumstantias, & juris adminicula, nisi ad convellendas eas, quas Actor in Replica adduxisset, in duplica allegare. Quodsi nihilominus alias adduxerit, nulla earundem ratio in sententia ferenda habeatur.

## §. 55.

Si tamen Reus allatis validis rationibus, vel  
in harum defectu juramento probare valeat, se  
nova adminicula, in duplica inducta, in sua re-  
sponsione nequaquam studio reticuisse, earun-  
dem adjectio in duplica permittenda est; Hunc  
in fine ante præsentationem duplice Reus per-  
missionem nova hæc adminicula adducendi a Ju-  
dice per particularem supplicem Libellum im-  
plorare debet, super quo auditio Actore Judex,  
rejectis ambagibus, id, quod juris, pronunciet.

## §. 56.

In Causis §. 2. ad tres pro qualibet parte  
Actus regulatis, Actori in replica, Reo in du-  
plica novas circumstantias, atque probatio-  
nes adducere fas esto; in triplica aut qua-  
druplica vero novæ circumstançiae & probatio-  
nes sub illis solummodo conditionibus addu-  
ci possunt, quæ in reliquis Causis Ordina-  
riis pro replica aut duplica §§. 48. 54. & 55.  
statutæ sunt: Cæterum in præfiniendo termi-  
no pro porrigenda triplica aut quadruplica,  
atque

atque in dilationibus eatenus concedendis ea  
Judex observare debet, quæ quoad repli-  
cam et duplicam ordinata sunt.

## §. 57.

Si Reus ad Normam §§. 54. & 55. in sua  
duplica in Causis Ordinariis, aut vero ad Nor-  
mam §. 56. in sua Quadruplica in Causis ex-  
ceptis, novas circumstantias vel probationes  
attulerit, partium utrique scriptura pro Con-  
clusione in Causa permittenda est, in præfini-  
endis vero terminis, quemadmodum pro re-  
plica & duplia præscriptum est, procedatur.

## §. 58.

In postremis his scripturis de iis tantummo-  
do, quæ in duplia, aut respective in quadrupli-  
ca adducta fuerint, agendum, omnesque pro-  
lixitates, ac repetitiones eorum, quæ in priori-  
bus scripturis jam exposita fuerint, vitandæ sunt.

## §. 59.

In postremo Actoris scripto novæ Cir-  
cumstantiæ, & probationes quidem adduci  
possunt, ex tamen duntaxat, quæ immediate

ad nova adminicula in duplica, aut vero quadriplica allata, & ab ipso confutanda pertineant, contra vero in postremo Rei scripto, adjectio novarum Circumstantiarum & probationum nullatenus admitti potest.

§. 60.

Quod si Reus, durante Lite fatis cedat, Obitus illius vel per Advocatum, si hic constitutus jam fuerit, vel in ejus defectu, per Actorem Judici mox insinuari, successorum, in quos onus Causæ devolutum esset, Nomina, item habitatio, ac num ii in minorenfors ætate constituuntur, quisque in hoc Casu Tutor eorum sit, primo, quo licet tempore, indicari debebit: tum porro Judex Decretum de porrigo scripto ad Personas & Nomina eorum, qui dehinc in Lite stare debebunt, dirigendum, atque eisdem transmittendum, una vero Novum Terminum, intra quem scriptum, de quo agitur, exhiberi debeat, pro re nata præfigendum habebit, qui tamen præsenti Judiciario Ordine constitutum nullatenus excedet, nisi

ampliorem ipsimet pro Circumstantiis postulant, quo Casu Judex in hujus concessione aut denegatione præcedentibus Ordinationibus se accommodare debeat.

---

**C A P U T IV.***De Litis Denunciatione, et Evictione.*

§. 61.

**Q**ui Jus habere credit quempiam, puta Venditorem in Casu, quo in fundo pro liberò sibi vendito aliis quis servitutem subinde prætendat, eo adstringendi, ut contra tertium, & quidem in Casu prænarrato contra servitutem prætendentem Litem moveat, ac prosecutatur; Is hanc Litem eidem, antequam Libellus Actionalis contra tertium porrigitur, denunciare debet, secus Litem a semetipso inchoatam is, cui Lis denunciari poterat, in se suscipere amplius non tenebitur.

§. 62.